

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XLIII. TIT. III. Quod Legatorum.

urn:nbn:de:gbv:45:1-9050

REMEDIUM L. FIN. C. DE EDICTO DIVI HADRIANI TOLLENDO.

Qv. I. *An remedium d. L. f. sit adipiscendae?*

AFFIRM. L. f. C. h.

DISSENTIT Richt. *Tract. de Testam. Dissert. ult.*

Qv. II. *An remedium d. L. f. etiam in codicillis obtineat?*

NEG. Nam (1) Lex tantum loquitur de testamentis, non de codicillis; (2) remedium hoc introductum est, ne diu jaceat hæreditas, hæc ratio cessat in codicillis; idque (3) ita in praxi receptum est.

Theaur. dec. 26. n. 10. Mev. part. 1. Decis. 197. Cöpp. 1. Obs. 155. n. 14. Dissent. Brunn. C. h. n. 21. Et Finckelth. O. 121. Sed illi loquuntur de Jure Saxonico, ubi omne instrumentum publicum habet paratam executionem.

Qv. III. *Quisnam sit legitimus contradictor?*

RESP. Legitimus contradictor est (1) qui sine vitio occupavit, adeoque non vi, non clam, nec precario tenet, sed vacuum possessionem palam, aut ex titulo possidet; (2) qui in continenti jus suum legitime probare potest; sed & (3) et si alias possideat, si vitiosa est possessio, alter, qui potior est interdicto, pro legitimo contradictore habetur.

LIB. XLIII. TIT. III.

QUOD LEGATORUM.

Qv. I. *An remedium L. 7. C. Unde vi. hodieque obtineat?*

AFFIRM. & hodieque is, qui propria autoritate rem sibi legatam possessori eripit, dominium rei suæ perdit, *Laut. pag. Brunn. ad L. 13. Quod 594. verb. met. caus. n. 4.* ubi a Jenensibus ita pronunciatum ait; *item cent. 2. dec. Hanc L. 7. 3. & 78. Mev. P. 1. dec. 95. Wissenb. ad l. 155. §. 2. de Reg. Jur.* ubi bis ita judicatum refert. Præjudicia Cameræ Imperialis exstant apud *Gylm. Symph. P. 35. ad ann. 1581.* Sed & in *Ord. Cam. de ann. 1521. tit. 32. §. 2. R. I. Ratisb. de ann. 1532. tit. 2. §. 15. &c.* pœna illa statuta apparet.

At quia pœnæ privatæ hodie cessant, ac fructus sunt jurisdictionis, vix est, ut dominium ita perditum adversario cedat; sed fisco res est tribuenda, interim vero, & donec de eo sententia proferatur, res sequestrari debet, juxta *O. Cam. de ann. 1555. P. 2. t. 21.*

Sss 2

Dis-



DISSENT. Carpz. P. 4. c. 35. def. 5. Sed loquitur ille saltem de Saxonia. Conf. Clud. rer. quot. c. 8. sect. 4. n. 66. Finkelthaus. O. 24. Giph. ad l. 4. C. Fin. reg. Groenw. ad §. 1. Inst. Vi bon. n. 3. Christ. Vol. 2. dec. 184. n. 4. & Vol. 3. dec. 25. n. 10. Late in utranque partem autores allegat Böckelm. de Adf. c. 2. §. 8.

QV. II. An interdictum hoc locum habeat in m. c. donatione, si donator rem ipse præstiterit donatario?

Laut. pag. 594. verb. Hinc non &c. NEG. (1) per textum expressum in l. 1. §. 5. h. (2) Interdictum saltem de legatariis propositum est, non ergo de donatario mortis causa, L. un. C. Ne quis in propr. (3) Accedit ratio differentie; nam interest hæredis, ne legatarius propria autoritate occupet legatum, a quo detrahenda est falcidia: at in donatione mortis causa nihil ipsi est metuendum, utpote cum ipsi salva sit falcidia ipso jure & sine interdicto, d. l. 1. §. 5. Sed & (4) ratio violentie hic cessat; quia ex traditione defuncti, non privata occupatione rem tenet, d. l. 1. §. 1. Nec (5) ab hærede hæc donatio præstanda fuit, de quo solo casu hoc interdictum loquitur, sed ipse defunctus præstitit.

OBJ. (1) Quod donatio mortis causa exæquata sit legatis, §. 1. I. de Donat. l. 15. ff. de Don. mort. caus.

RESP. Non quoad formam, sed saltem quoad effectum. Vid. supr. L. 39. tit. 6. qu. 4.

OBJ. (2) Quod toties interdicto huic locus sit, quoties falcidia debetur, d. l. 1. §. 5. at falcidia quoque in donatione mortis causa detrahitur.

RESP. Imo ex d. §. 5. apparet, non sufficere, deberi falcidiam, ad id, & interdicto locus sit, sed talis causa esse debet, ubi periculum est falcidie; quale periculum est in legato, non vero in donatione mortis causa, ubi ipso jure salva est quarta, d. §. 5.

OBJ. (3) Interesse hæredis vel propter æs alienum, vel ratione temerarie occupationis, l. 1. §. 2. h.

RESP. (1) Licet interfit, non tamen sequitur, dandum esse hoc interdictum. (2) Hæredi non fit injuria; utpote cum ipso jure salva ipsi sit falcidia, habeaturque pro non alienata. Neque (3) temerarie accipit, qui a defuncto accepit.

OBJ. (4) L. p. C. Ad Leg. falc. ubi hæres post aditionem repetere potest id, quod donatum est ultra modum falcidie.

RESP. Per rei vindicationem, d. l. 1. §. 5. non vero per interdictum, quorum bonorum.

OBJ.



OBJ. (5) Quod rei vindicatio detur, ergo multo magis interdictum.

RESP. Consequentia fallit, si jure interdictum proditum non sit, OBJ. (6) *L. 26. pr. de Leg. fals.* ubi hæres repetit.

RESP. Loquitur de legato, non de donatione, & res casu reperitur apud legatarium.

Secus ergo est, si donator non dedit, *d. l. 1. §. 5.* Moribus tamen etiam in priori casu contrarium obtinere, ait *Schilt. ad π. Ex. 47. §. 30. Hahn. ad Wesenb. h. n. 6. Faber. dec. 44. error. 6. per tot.* De quo tamen merito dubitanus.

Qv. III. *An persona honorata cavere debeat de restituenda re, detracta Falcidia?*

AFFIRMATUR, *l. 1. §. 16. f. q. l. 2. §. 1. h.*

OBJ. *L. 13. Quod met. caus. L. 7. C. Unde vi. L. 5. C. de Legat.* 594. verb. ubi qui occupavit, perdit dominium.

RESP. Hic casus est, ubi hæres nondum possedit, sed vacua fuit possessio.

Laut. pag. 594. verb. caveat tamen &c.

LIB. XLIII. TIT. V.

DE TABULIS EXHIBENDIS.

Qv. I. *An interdictum de tabulis exhibendis sit ex delicto?*

NEG. Sed (1) causa est æquitas exhibendi tabulas ei, cujus interest, cum sine damno suo exhibere possit: quod si non exhibet jussus, incipit esse pœna, quæ ex contumacia est, *l. 3. §. 13. h.* at interdictum ex æquo: Origo autem est inspicienda, *L. 4. Si mens. fals. mod. dix.* Hinc (2) datur contra quemcunque possessorem, *l. 3. §. 2. seq. h.* ac (3) est perpetuum, *l. 3. §. p. h.* quod falsum esset, si esset ex delicto, *L. 35. de O. & A.* utpote cum prætorix ex delicto nunquam dentur in hæredes, *l. 9. §. 1. Quod fals. tut. l. 9. §. f. de Reb. aut. Jud. possid.*

OBJ. Quod detur actio in factum ex hoc interdicto, si vero esset rei persecutoria, peteretur exhibitio extraordinaria persecutione, ut in *l. 1. §. 1. h. & l. 2. §. f. Test. quem. ap.*

RESP. Ino omnia interdicta sunt ex persecutione extraordinaria.